

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-22675-1/12.
Zenica, 30.10.2012. godine

ZAPISNIK

sa 84. sjednice Vlade Zeničko-dobojskog kantona održane 25., 29. i 30.10.2012. godine

Sjednica je održana u sali 109, prvi sprat u zgradi Kantona, na dan 25.10.2012. godine u trajanju 10¹³ do 12³⁰ sati, nastavak na dan 29.10.2012. godine u trajanju 12¹⁰ do 15⁵⁵ sati, i drugi nastavak u sali u kabinetu Premijera na dan 30.10.2012. godine u trajanju 8⁴⁵ do 9²⁵ sati.

Sjednici je predsjedavao Premijer Zeničko-dobojskog kantona.

Sjednici su prisustvovali članovi Vlade:

1. Džemil Ugarak, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu, odsutan na drugom nastavku sjednice dana 30.10.2012. godine,
3. Romana Brkić, ministrica Ministarstva za pravosuđe i upravu,
4. Mirsad Isaković, ministar Ministarstva finansija, nastavku na dan 29.10. priključio se u 14⁵⁵ h,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Senka Balorda, ministrica Ministarstva zdravstva, odsutna na drugom nastavku sjednice dana 30.10.2012. godine,
9. Raif Seferović, ministar Ministarstva za prostorno uređenje, promet i komunikacije i zaštitu okoline,
10. Ekrem Tuka, ministar Ministarstva za boračka pitanja,

kao i:

1. Mirsad Kadić, Sekretar Sekretarijata za zakonodavstvo,
2. Haris Hrgić, pomoćnik sekretara Vlade,
3. Dženan Begović, šef Ureda Premijera,
4. Jasna Ahmetspahić, portparol,
5. Azra Smailbegović-Đuherić, zapisničar.

U svojstvu izvjestioca sjednici su prisustvovali:

- Zlata Marjanović, kantonalni pravobranilac, dana 25.10.2012. godine
- Nada Delibašić, pomoćnik u Ministarstvu finansija, na nastavcima dana 29. i 30.10.2012.g.

Premijer Zeničko-dobojskog kantona stavio je na diskusiju predloženi

DNEVNI RED:

1. Zapisnik sa 83. sjednice Vlade Zeničko-dobojskog kantona, održane 17.10.2012. godine;
2. Prijedlog Zaključka o utvrđivanju Amandmana III na Prijedlog Odluke o prenošenju prava i obaveza osnivača nad Javnom ustanovom Opća bolnica Tešanj;
3. Prijedlog Odluke o odobravanju sredstava za učešće u zajedničkom finansiranju projekta izgradnje ambulante u Arnautima - II faza;
4. Prijedlog Odluke o stavljanju van snage Odluke Vlade Zeničko-dobojskog kantona broj: 02-14-18419/12 od 16.08.2012. godine o odobravanju finansijskih sredstava - regresiranje kamata na investicijski kredit privrednom društvu „Vimes“ d.o.o. Visoko;
5. Prijedlog Odluke o odobravanju finansijskih sredstava - subvencioniranju uvođenja i certifikacije međunarodnih standarda za upravljanje kvalitetom privrednom društvu „Secom“ d.o.o. Visoko;
6. Prijedlog Odluke o odobravanju finansijskih sredstava - subvencioniranju uvođenja i certifikacije međunarodnih standarda za upravljanje kvalitetom privrednom društvu „RM-LH“ d.o.o. Zenica;
7. Prijedlog Zaključka o zaduženju u vezi postupka dodjele koncesije za istraživanje i eksploataciju mineralnog resursa krečnjaka na ležištu „Široke stijene“ kod Zenice;
8. Prijedlog Zaključka o formiranju Radne grupe za izradu prijedloga podzakonskog akta o utvrđivanju kriterija za određivanje visine jednokratne i kontinuirane koncesione naknade za sve predmete koncesije iz nadležnosti Kantona;
9. Prijedlog Rješenja o konačnom imenovanju kandidata za upražnjenu poziciju Nadzornog odbora „Velepromet-maloprodaja“ d.d. Visoko;
10. Prijedlog Zaključka o imenovanju Osmana Buze kao punomoćnika državnog kapitala za XIII skupštinu privrednog društva „rmk promet“ d.d. Zenica zakazanu za 03.11.2012. godine (dio materijala dostavljen putem e-maila);
11. Prijedlog Zaključka o odobravanju isplate poticaja uzgajivačima gljiva;
12. Zaključak o utvrđivanju Plana novčanih tokova Budžeta Zeničko-dobojskog kantona za 2012. godinu za mjesec novembar;
13. Prijedlog Zaključka o odobravanju sredstava MZ Bistrica općina Žepče u svrhu finansiranja rekonstrukcije vodovoda „Rijeka“ sa ciljem pružanja potpore održivom povratku na područje općine Žepče;
14. Prijedlog Zaključka o odobravanju sredstava MZ Duboštica općina Vareš u svrhu rekonstrukcije mosta sa ciljem pružanja potpore povratku na područje općine Vareš;
15. Prijedlog Zaključka o odobravanju sredstava Župi sv. Josipa - Zavidovići u svrhu sanacije župne crkve sa ciljem pružanja potpore povratku na područje općine Zavidovići;
16. Prijedlog Zaključka o odobravanju sredstava Općini Maglaj u svrhu plaćanja troškova priključka na elektrodistributivnu mrežu obnovljenog stambenog objekta Panić Nevenke i Sretena, povratnika u naselje Bakotići, općina Maglaj;
17. Prijedlog Odluke o uvećanju sredstava u Budžetu Zeničko-dobojskog kantona za 2012. godinu za budžetskog korisnika iz nadležnosti Ministarstva za obrazovanje, nauku, kulturu i sport - Osnovna škola „Mula Mustafa Bašeskija“ Kakanj;
18. Prijedlog Zaključka o odobravanju sredstava Dajić Emini iz Zenice za odbranu magistarskog rada;
19. Prijedlog Zaključka o odobravanju sredstava Mahmić Hajrudinu iz Zenice za odbranu magistarskog rada;

20. Prijedlog Zaključka o odobravanju sredstava Smailbegović Mirzi iz Zenice za odbranu magistarskog rada;
21. Prijedlog Zaključka o odobravanju sredstava Mujezinović Adnanu iz Zenice za odbranu magistarskog rada;
22. Prijedlog Zaključka o odobravanju sredstava Merdan Anidi iz Zenice za odbranu magistarskog rada;
23. Prijedlog Zaključka o odobravanju sredstava Savezu slijepih boraca Zeničko-dobojskog kantona u svrhu finansiranja projekta nabavke Braillevih pomagala za slijepce i slabovidne ratne invalide 100% I grupe;
24. Prijedlog Zaključka o odobravanju sredstava Dervišić Nurfeti iz Zenice, udovici poginulog branioca Dervišić Nesiba, radi kupovine stana i trajnog stambenog zbrinjavanja;
25. Prijedlog Zaključka o odobravanju sredstava Mahmutović Đulagi, 100% RVI II grupe iz Breze, u svrhu trajnog stambenog zbrinjavanja, odnosno prilagođavanja objekta posebnim potrebama;
26. Prijedlog Rješenja o formiranju i imenovanju Radne grupe za izradu Akcionih planova za strateško planiranje za Zeničko-dobojski kanton, te vršenje monitoringa, evaluacije i izvještavanja o urađenim aktivnostima na harmonizaciji procesa strateškog planiranja;
27. Ocjena o primjeni sistema upravljanja kvalitetom prema zahtjevima standarda EN ISO 9001:2008 u organima uprave i službama Zeničko-dobojskog kantona, sa Prijedlogom Zaključka o usvajanju;
28. Izvještaj o realizaciji akata iz Programa rada Vlade i ostalih akata za period 01.01.-30.09.2012. godine;

Premijer Zeničko-dobojskog kantona je predložio dopune dnevnog reda tačkama:

1. Informacija o aktima Ustavnog suda Bosne i Hercegovine;
2. Nacrt Budžeta Zeničko-dobojskog kantona za 2013. godinu, sa Prijedlogom Zaključka o utvrđivanju
3. Nacrt Zakona o izvršavanju Budžeta Zeničko-dobojskog kantona za 2013. godinu, sa Prijedlogom Zaključka o utvrđivanju
4. Prijedlog Odluke o uvećanju sredstava u Budžetu Zeničko-dobojskog kantona za 2012. godinu za Kantonalnu direkciju za ceste;
5. Prijedlog Rješenja o privremenom imenovanju predsjednika i članova Upravnog odbora Zavoda zdravstvenog osiguranja Zeničko-dobojskog kantona
6. Prijedlog Rješenja o imenovanju na kraći period predsjednika i članova Školskog odbora u Osnovnoj školi „Novi Šeher“ Maglaj;

Članovi Vlade saglasili su se sa navedenim dopunama pa je za sjednicu jednoglasno prihvaćen slijedeći dnevni red:

1. Zapisnik sa 83. sjednice Vlade Zeničko-dobojskog kantona, održane 17.10.2012. godine;
2. Informacija o aktima Ustavnog suda Bosne i Hercegovine;
3. Prijedlog Zaključka o utvrđivanju Amandmana III na Prijedlog Odluke o prenošenju prava i obaveza osnivača nad Javnom ustanovom Opća bolnica Tešanj;
4. Prijedlog Odluke o odobravanju sredstava za učešće u zajedničkom finansiranju projekta izgradnje ambulante u Arnautima - II faza;

5. Prijedlog Odluke o stavljanju van snage Odluke Vlade Zeničko-dobojskog kantona broj: 02-14-18419/12 od 16.08.2012. godine o odobravanju finansijskih sredstava - regresiranje kamata na investicijski kredit privrednom društvu „Vimes“ d.o.o. Visoko;
6. Prijedlog Odluke o odobravanju finansijskih sredstava - subvencioniranju uvođenja i certifikacije međunarodnih standarda za upravljanje kvalitetom privrednom društvu „Secom“ d.o.o. Visoko;
7. Prijedlog Odluke o odobravanju finansijskih sredstava - subvencioniranju uvođenja i certifikacije međunarodnih standarda za upravljanje kvalitetom privrednom društvu „RM-LH“ d.o.o. Zenica;
8. Prijedlog Zaključka o zaduženju u vezi postupka dodjele koncesije za istraživanje i eksploataciju mineralnog resursa krečnjaka na ležištu „Široke stijene“ kod Zenice;
9. Prijedlog Zaključka o formiranju Radne grupe za izradu prijedloga podzakonskog akta o utvrđivanju kriterija za određivanje visine jednokratne i kontinuirane koncesione naknade za sve predmete koncesije iz nadležnosti Kantona;
10. Prijedlog Rješenja o konačnom imenovanju kandidata za upražnjenu poziciju Nadzornog odbora „Velepromet-maloprodaja“ d.d. Visoko;
11. Prijedlog Zaključka o imenovanju Osmana Buze kao punomoćnika državnog kapitala za XIII skupštinu privrednog društva „rmk promet“ d.d. Zenica zakazanu za 03.11.2012. godine (dio materijala dostavljen putem e-maila);
12. Prijedlog Zaključka o odobravanju isplate poticaja uzgajivačima gljiva;
13. Zaključak o utvrđivanju Plana novčanih tokova Budžeta Zeničko-dobojskog kantona za 2012. godinu za mjesec novembar;
14. Prijedlog Zaključka o odobravanju sredstava MZ Bistrica općina Žepče u svrhu finansiranja rekonstrukcije vodovoda „Rijeka“ sa ciljem pružanja potpore održivom povratku na područje općine Žepče;
15. Prijedlog Zaključka o odobravanju sredstava MZ Duboštica općina Vareš u svrhu rekonstrukcije mosta sa ciljem pružanja potpore povratku na područje općine Vareš;
16. Prijedlog Zaključka o odobravanju sredstava Župi sv. Josipa - Zavidovići u svrhu sanacije župne crkve sa ciljem pružanja potpore povratku na područje općine Zavidovići;
17. Prijedlog Zaključka o odobravanju sredstava Općini Maglaj u svrhu plaćanja troškova priključka na elektrodistributivnu mrežu obnovljenog stambenog objekta Panić Nevenke i Sretena, povratnika u naselje Bakotići, općina Maglaj;
18. Prijedlog Odluke o uvećanju sredstava u Budžetu Zeničko-dobojskog kantona za 2012. godinu za budžetskog korisnika iz nadležnosti Ministarstva za obrazovanje, nauku, kulturu i sport - Osnovna škola „Mula Mustafa Bašeskija“ Kakanj;
19. Prijedlog Zaključka o odobravanju sredstava Dajić Emiri iz Zenice za odbranu magistarskog rada;
20. Prijedlog Zaključka o odobravanju sredstava Mahmić Hajrudinu iz Zenice za odbranu magistarskog rada;
21. Prijedlog Zaključka o odobravanju sredstava Smailbegović Mirzi iz Zenice za odbranu magistarskog rada;
22. Prijedlog Zaključka o odobravanju sredstava Mujezinović Adnanu iz Zenice za odbranu magistarskog rada;
23. Prijedlog Zaključka o odobravanju sredstava Merdan Anidi iz Zenice za odbranu magistarskog rada;
24. Prijedlog Zaključka o odobravanju sredstava Savezu slijepih boraca Zeničko-dobojskog kantona u svrhu finansiranja projekta nabavke Braillevih pomagala za slijepe i slabovidne ratne invalide 100% I grupe;
25. Prijedlog Zaključka o odobravanju sredstava Dervišić Nurfeti iz Zenice, udovici poginulog branioca Dervišić Nesiba, radi kupovine stana i trajnog stambenog zbrinjavanja;

26. Prijedlog Zaključka o odobravanju sredstava Mahmutović Đulagi, 100% RVI II grupe iz Breze, u svrhu trajnog stambenog zbrinjavanja, odnosno prilagođavanja objekta posebnim potrebama;
27. Prijedlog Rješenja o formiranju i imenovanju Radne grupe za izradu Akcionih planova za strateško planiranje za Zeničko-dobojski kanton, te vršenje monitoringa, evaluacije i izvještavanja o urađenim aktivnostima na harmonizaciji procesa strateškog planiranja;
28. Ocjena o primjeni sistema upravljanja kvalitetom prema zahtjevima standarda EN ISO 9001:2008 u organima uprave i službama Zeničko-dobojskog kantona, sa Prijedlogom Zaključka o usvajanju;
29. Izvještaj o realizaciji akata iz Programa rada Vlade i ostalih akata za period 01.01.-30.09.2012. godine;
30. Nacrt Budžeta Zeničko-dobojskog kantona za 2013. godinu, sa Prijedlogom Zaključka o utvrđivanju
31. Nacrt Zakona o izvršavanju Budžeta Zeničko-dobojskog kantona za 2013. godinu, sa Prijedlogom Zaključka o utvrđivanju
32. Prijedlog Odluke o uvećanju sredstava u Budžetu Zeničko-dobojskog kantona za 2012. godinu za Kantonalnu direkciju za ceste;
33. Prijedlog Rješenja o privremenom imenovanju predsjednika i članova Upravnog odbora Zavoda zdravstvenog osiguranja Zeničko-dobojskog kantona
34. Prijedlog Rješenja o imenovanju na kraći period predsjednika i članova Školskog odbora u Osnovnoj školi „Novi Šeher“ Maglaj;

Prva tačka dnevnog reda

Vlada je jednoglasno usvojila Zapisnik sa 83. sjednice Vlade Zeničko-dobojskog kantona, održane 17.10.2012. godine.

Druga tačka dnevnog reda

Obrazloženje za ovu tačku dnevnog reda dala je Zlata Marjanović, kantonalni pravobranilac.

U diskusiji su učestvovali: Premijer Zeničko-dobojskog kantona, Ministar Ministarstva unutrašnjih poslova, Ministar Ministarstva za prostorno uređenje, promet i komunikacije i zaštitu okoline, Ministar Ministarstva za rad, socijalnu politiku i izbjeglice, Ministar Ministarstva za privredu, Ministar Ministarstva za poljoprivredu, šumarstvo i vodoprivredu, Ministar Ministarstva finansija, Ministrica Ministarstva zdravstva, Ministrica Ministarstva za pravosuđe i upravu, Sekretar Sekretarijata za zakonodavstvo i Pomoćnik Sekretara Vlade.

Vlada je sa deset glasova „za“ i jednim glasom „suzdržan“ donijela Zaključak kojim se nalaže Ministarstvu za pravosuđe i upravu da u saradnju sa Kantonalnim pravobranilaštvom u toku dana obavijesti Ustavni sud da će isplate sredstava u cilju izvršenja odluka Ustavnog suda broj: AP-1316/09 od 14.03.2012. godine, AP-545/09 od 23.02.2012. godine, AP-2110/08 od 12.10.2011. godine i AP-584/09 od 09.11.2011. godine, početi u ponedjeljak 29.10.2012. godine.

Nalaže se Ministarstvu za pravosuđe i upravu da u saradnju sa Kantonalnim pravobranilaštvom Ustavnom sudu dostavi zaključke Vlade donesene u diskusiji vođenoj po predmetima navedenim u tački I. ovog zaključka.

Vlada Zeničko-dobojskog kantona će u što skorijem roku organizovati posjetu Ustavnom sudu Bosne i Hercegovine na temu postupanja po presudama donesenim po osnovu kolektivnih ugovora i njihovim efektima po likvidnost Budžeta Zeničko-dobojskog kantona.

Zaključak stupa na snagu danom donošenja.

Pored ovoga, Vlada je jednoglasno donijela slijedeće zaključke:

2a) Nalaže se Ministarstvu za pravosuđe i upravu da sačini informaciju o svim odlukama Ustavnog suda Bosne i Hercegovine vezanim za isplate sredstava po osnovu kolektivnih ugovora i o visini predmetnih potraživanja.

Zaključak stupa na snagu danom donošenja.

2b) Zadužuje se Ministarstvo za pravosuđe i upravu, Sekretarijat za zakonodavstvo i Kantonalno pravobranilaštvo da u što skorijem roku organizuju sastanak sa predstavnicima zainteresovanih kantona na temu postupanja po presudama donesenim po osnovu kolektivnih ugovora i pokretanju inicijative za izmjene kolektivnih ugovora

Zaključak stupa na snagu danom donošenja.

2c) Zadužuje se Ministarstvo za pravosuđe i upravu da sve materijale i zaključke Vlade koji se odnose na temu postupanja po presudama donesenim po osnovu kolektivnih ugovora i njihovim efektima po likvidnost Budžeta Zeničko-dobojskog kantona, dostavi Skupštini Zeničko-dobojskog kantona kako bi se o istima vodila rasprava.

Zaključak stupa na snagu danom donošenja.

2d) Zadužuje se Ministarstvo finansija da u saradnju sa Ministarstvom za pravosuđe i upravu i Sekretarijatom za zakonodavstvo pripremi prijedlog inicijative za donošenje Zakona o javnom dugu.

Zaključak stupa na snagu danom donošenja.

2e) Zadužuje se Ministarstvo za pravosuđe i upravu da preduzme radnje potrebne za podnošenje prijave Kantonalnom tužilaštvu u vezi odgovornosti osoba koje su činjenjem ili nečinjenjem doprinijele da Zeničko-dobojski kanton bude u finansijskim poteškoćama po osnovu izvršnih sudskih presuda.

Zaključak stupa na snagu danom donošenja.

Sjednica je zbog obaveza članova Vlade prekinuta u 12³⁰ sati.

Nastavak sjednice održan je dana 29.10.2012. godine u sali 109 sa početkom u 12¹⁰ sati.

Treća tačka dnevnog reda

Obrazloženje za ovu tačku dnevnog reda dala je Ministrica Ministarstva zdravstva.

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice, Ministar Ministarstva unutrašnjih poslova, Ministar Ministarstva za prostorno uređenje, promet i komunikacije i zaštitu okoline, Ministar Ministarstva za privredu i Ministrica Ministarstva za pravosuđe i upravu.

Vlada je jednoglasno donijela Zaključak kojim se tačka dnevnog reda: Prijedlog Zaključka o uvtrđivanju Amandmana III na Prijedlog Odluke o prenošenju prava i obaveza osnivača nad Javnom ustanovom Opća bolnica Tešanj vraća predlagачu radi preciziranja.

Zaključak stupa na snagu danom donošenja.

Vlada je takođe jednoglasno donijela i slijedeći zaključak:

3a) Zadužuje se Ministarstvo zdravstva da pripremi podatke o prikupljanju i raspodjeli sredstava iz Zavoda zdravstvenog osiguranja Zeničko-dobojskog kantona za period 2005.-2011. godina po općinama i zdravstvenim ustanovama, kao i podatak koliko je sredstava uplaćeno u federalni fond solidarnosti pri Federalnom zavodu zdravstvenog osiguranja i reosiguranja, te koliko je tih sredstava iskorišteno na području Zeničko-dobojskog kantona.

Zaključak stupa na snagu danom donošenja.

Četvrta tačka dnevnog reda

Vlada je jednoglasno donijela Odluku kojom se odobravaju sredstva za učešće u zajedničkom finansiranju projekta izgradnje ambulante u Arnautima-II faza u iznosu od 32.084,60 KM (slovima: tridesetdvijehiljadeiosamdesetčetiri i 60/100 konvertibilnih maraka).

33. tačka dnevnog reda

Vlada je jednoglasno donijela Rješenje kojim se u upravni odbor Zavoda zdravstvenog osiguranja Zeničko-dobojskog kantona, privremeno do okončanju postupka po oglasu a najduže na period od dva (2) mjeseca, imenuju:

1. Emina Huseinagić, predsjednik,
2. Jasmin Mahmutović, član,
3. Saša Domuz, član,
4. Ahmet Dizdarević, član,
5. Amir Zahirović, član,
6. Oliver Radoš, član,
7. Jasminka Limo, član,
8. Amela Agić, član,
9. Čorić Senada, član.

Rješenje stupa na snagu danom donošenja.

Peta tačka dnevnog reda

Obrazloženje za ovu tačku dnevnog reda dao je Ministar Ministarstva za privredu. Diskutovao je Premijer Zeničko-dobojskog kantona.

Vlada je jednoglasno donijela Odluku kojom se stavlja van snage Odluka Vlade Zeničko-dobojskog kantona o odobravanju finansijskih sredstva-regresa privrednom društvu „VIMES“ d.o.o. Visoko za 2012. godinu, broj: 02-14-18419/12 od 16.08.2012. godine u iznosu do 14.327,00 KM (slovima: četrnaesthiljadatristotine-dvadesetsedam konvertibilnih maraka), na ime regresiranja kamata na investicijski kredit.

Odluka stupa na snagu danom donošenja i objavit će se u “Službenim novinama Zeničko-dobojskog kantona”.

Vlada je takođe jednoglasno donijela i slijedeći zaključak:

5a) Nalaže se Ministarstvu za privredu da prikupi izjave uposlenika koji su učestvovali u izradi Prijedloga Odluke Vlade Zeničko-dobojskog kantona o odobravanju finansijskih sredstva-regresa privrednom društvu „VIMES“ d.o.o. Visoko za 2012. godinu, broj: 02-14-18419/12 od 16.08.2012. godine u iznosu do 14.327,00 KM, na ime regresiranja kamata na investicijski kredit, u vezi pripremanja i upućivanja pomenutog Prijedloga Odluke na Vladu.

Zaključak stupa na snagu danom donošenja.

Šesta tačka dnevnog reda

Vlada je jednoglasno donijela Odluku kojom se odobravaju finansijska sredstva privrednom društvu "SECOM" d.o.o. Visoko, koji se bavi rezanjem drveta i proizvodnjom ploča, u iznosu od 15.000,00 KM (slovima: petnaest hiljada konvertibilnih maraka), na ime subvencioniranja uvođenja i certifikacije međunarodnih standarda za upravljanje kvalitetom (FSC).

Sedma tačka dnevnog reda

Vlada je jednoglasno donijela Odluku kojom se odobravaju finansijska sredstva privrednom društvu "RM-LH" d.o.o. Zenica, koji se bavi proizvodnjom metalne stolarije i spojnih elemenata, u iznosu od 15.000,00 KM (slovima: petnaest hiljada konvertibilnih maraka), na ime subvencioniranja uvođenja i certifikacije međunarodnih standarda za upravljanje kvalitetom (CE 0045).

Osma tačka dnevnog reda

Obrazloženje za ovu tačku dnevnog reda dao je Ministar Ministarstva za privredu.

U diskusiji su učestvovali: Premijer Zeničko-dobojskog kantona, Ministrica Ministarstva za pravosuđe i upravu, Ministar Ministarstva za rad, socijalnu politiku i izbjeglice, Ministar Ministarstva za poljoprivredu, šumarstvo i vodoprivredu, Ministar Ministarstva za prostorno uređenje, promet i komunikacije i zaštitu okoline i Sekretar Sekretarijata za zakonodavstvo.

Vlada je jednoglasno donijela Zaključak kojim se ne prihvata Prijedlog Zaključka o zaduženju u vezi postupka dodjele koncesije za istraživanje i eksploataciju mineralnog resursa krečnjaka na ležištu „Široke stijene“ kod Zenice.

Zaključak stupa na snagu danom donošenja.

Vlada je takođe jednoglasno donijela i slijedeći zaključak:

8a) Zadužuje se Ministarstvo za privredu da u skladu sa zakonskim i podzakonskim aktima sačini odgovor na akt preduzeća „ŽGP“ d.o.o. Zenica vezano za eksploataciju na ležištu „Široke stijene“ kod Zenice, te da o istom upozna Vladu Zeničko-dobojskog kantona.

Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Ministar Ministarstva za privredu.

U diskusiji su učestvovali: Premijer Zeničko-dobojskog kantona, Sekretar Sekretarijata za zakonodavstvo i Pomoćnik Sekretara Vlade.

Vlada je jednoglasno donijela Rješenje kojim Vlada Zeničko-dobojskog kantona imenuje Radnu grupu za izradu podzakonskog akta o utvrđivanju kriterija za određivanje visine jednokratne i kontinuirane koncesione naknade za sve predmete koncesije iz nadležnosti Kantona.

U Radnu grupu imenuju se:

- Amir Abazović, predsjednik, Ministarstvo za privredu,
- Nermin Čosić, član, Ministarstvo za privredu,
- Azra Hamzić, član, Ministarstvo finansija,
- Edina Dogan, član, Ministarstvo finansija,
- Amir Huseinbašić, član, Ministarstvo za prostorno uređenje, promet i komunikacije,
- Refik Zeković, član, Ministarstvo za prostorno uređenje, promet i komunikacije,
- Senada Dizdar, član, Ministarstvo za poljoprivredu, šumarstvo i vodoprivredu,
- Munir Kaknjo, član, Ministarstvo za poljoprivredu, šumarstvo i vodoprivredu.

Zadatak Radne grupe je da izradi prijedlog podzakonskog akta o utvrđivanju kriterija za određivanje visine jednokratne i kontinuirane koncesione naknade za sve predmete koncesije iz nadležnosti Kantona i isti uputi Vladi Zeničko-dobojskog kantona na usvajanje.

Rok za izradu podzakonskog akta je 30 dana od dana stupanja na snagu ovog zaključka.

Radnom grupom će rukovoditi predsjednik Radne grupe, a članovi će po instrukcijama predsjednika provoditi aktivnosti te prikupljati podatke u cilju realizovanja zadatka Radne grupe. Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dao je Ministar Ministarstva za privredu. Diskutovao je Pomoćnik Sekretara Vlade.

Vlada je jednoglasno donijela Rješenje kojim se za člana Nadzornog odbora privrednog društva "Velepromet-maloprodaja" d.d. Visoko imenuje se Amir Pašalić, dipl. ing. iz Vogošće, na period do isteka mandata Nadzornog odbora ovog privrednog društva, imenovanog Rješenjem Vlade Zeničko-dobojskog kantona, broj: 02-34-8402/10 od 17.03.2010. godine.

Rješenje stupa na snagu danom donošenja i objavit će se u "Službenim novinama Federacije Bosne i Hercegovine" i "Službenim novinama Zeničko-dobojskog kantona".

11. tačka dnevnog reda

Obrazloženje za ovu tačku dnevnog reda dao je Ministar Ministarstva za privredu. Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se imenuje Osman Buza, pomoćnik ministra u Ministarstvu za privredu Zeničko-dobojskog kantona, kao punomoćnik državnog kapitala za XIII Skupštinu privrednog društva „rmk promet“ d.d. Zenica, zakazanu za subotu 03.11.2012. godine.

Ovlašćuje se punomoćnik da u ime državnog kapitala da u skladu sa zakonskim i podzakonskim aktima u Skupštini glasa za usvajanje sljedećih izvještaja i odluka:

- Izvještaja o poslovanju rmk promet d.d. Zenica za 2009. godinu, koji uključuje: finansijske Izvještaje Društva, Izvještaj ovlaštenog Revizora, Izvještaj Odbora za reviziju, Izvještaj o radu Nadzornog odbora i Odbora za reviziju za 2009. godinu, sa Planom poslovanja za 2010. godinu;
- Odluke o pokriću gubitka po Godišnjem obračunu za 2009. godinu;
- Izvještaja o poslovanju rmk promet d.d. Zenica za 2010. godinu, koji uključuje: finansijske Izvještaje Društva, Izvještaj ovlaštenog Revizora, Izvještaj Odbora za reviziju, Izvještaj o radu Nadzornog odbora i Odbora za reviziju za 2010. godinu, sa Planom poslovanja za 2011. godinu;
- Odluke o pokriću gubitka po Godišnjem obračunu za 2010. godinu;
- Izvještaja o poslovanju rmk promet d.d. Zenica za 2011. godinu, koji uključuje: finansijske Izvještaje Društva, Izvještaj ovlaštenog Revizora, Izvještaj Odbora za reviziju, Izvještaj o radu Nadzornog odbora i Odbora za reviziju za 2011. godinu, sa Planom poslovanja za 2012. godinu;
- Odluke o pokriću gubitka po Godišnjem obračunu za 2011. godinu;
- Odluke o usklađivanju djelatnosti rmk promet d.d. Zenica sa odredbama Odluke o klasifikaciji djelatnosti BiH (Službeni glasnik BiH, broj:47/10);
- Odluke o izmjenama i dopunama Statuta rmk promet d.d. Zenica;
- Odluke o razrješenju Odbora za reviziju rmk promet d.d. Zenica zbog isteka mandata;
- Odluke o izboru i imenovanju Odbora za reviziju rmk promet d.d. Zenica;
- Odluke o zaključivanju ugovora sa vanjskim Revizorom.

Ovlašćuje se Ministar za privredu Zeničko-dobojskog kantona da u skladu sa zakonskim i podzakonskim aktima i na osnovu ovog zaključka sačini i potpiše punomoć za punomoćnika državnog kapitala.

Za realizaciju ovog zaključka zadužuje se Ministarstvo za privredu.

Zaključak stupa na snagu danom donošenja.

12. tačka dnevnog reda

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se odobrava isplata 42.222,80 (slovima: četrdesetdvijehiljadestotinedvadesetdvije i 80/100 konvertibilnih maraka) na ime poticaja uzgajivačima gljiva.

13. tačka dnevnog reda

Obrazloženje za ovu tačku dnevnog reda dao je Ministar Ministarstva finansija.

Vlada je jednoglasno donijela zaključak kojim se utvrđuje Plan novčanih tokova Budžeta Zeničko-dobojskog kantona za mjesec novembar 2012. godine kako slijedi:

a) Mjesečni plan prihoda iz budžetskih sredstava Budžeta Zeničko-dobojskog kantona za mjesec novembar 2012. godine, utvrđuje se kao 1/12 prihoda, odnosno u iznosu od 19.665.469,00 KM

b) Mjesečni plan rashoda iz budžetskih sredstava Budžeta Zeničko-dobojskog kantona za mjesec novembar 2012. godine utvrđuje se u iznosu od 18.334.620,00 KM, i to:

- 1) Plaće i naknade – 100% mjesečnog operativnog plana,
 - 2) Materijalni troškovi – izdaci za energiju i komunalne usluge 100% mjesečnog operativnog plana, a ostali materijalni troškovi 90% mjesečnog operativnog plana,
 - 3) Transferi sa strogo utvrđenom zakonskom obavezom u iznosu od 100% mjesečnog operativnog plana,
 - 4) Ostali transferi koji nemaju strogo utvrđenu zakonsku obavezu u iznosu od 50% mjesečnog operativnog plana, izuzev: „Naknada za povrat više ili pogrešno uplaćenih sredstava“, „Tekućeg transfera za nabavku vakcina“, „Tekućeg transfera za deratizaciju“, „Tekućeg transfera za Franjevačku gimnaziju“ i „Tekućeg transfera za ustanove kulture“, u dijelu koji se odnosi na plaće i naknade, koji se utvrđuju u iznosu od 100% mjesečnog operativnog plana,
 - 5) Kapitalna ulaganja – 50% mjesečnog operativnog plana,
 - 6) Ostalo – izdaci za kamate i vanjske otplate u iznosu od 100% mjesečnog operativnog plana, a kreditno-garancijski fond i tekuća budžetska rezerva u iznosu od 0% mjesečnog operativnog plana,
- c) Mjesečni plan prihoda i rashoda iz namjenskih, vlastitih i donatorskih sredstava utvrđuje se u visini njihovog ostvarenja,
- d) Planirani višak budžetskih prihoda nad budžetskim rashodima za mjesec novembar 2012. godine iznosi 1.330.849,00 KM i koristiće se u svrhu pokrića viška rashoda nad приходima.

Utvrđuje se ukupan nivo izvršenja mjesečnih operativnih planova iz budžetskih sredstava svih budžetskih korisnika za mjesec novembar 2012. godine u visini od 18.334.620,00 KM.

Budžetskim korisnicima nije dozvoljeno da stvaraju obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog konkretnog budžetskog korisnika.

Zadužuju se svi budžetski korisnici da u skladu sa gore navedenim **i u skladu sa Odlukom o obustavljanju izvršavanja pojedinih rashoda i izdataka u Budžetu Zeničko-dobojskog kantona za 2012. godinu** („Službene novine Zeničko-dobojskog kantona“, broj: 14/12), sačine pojedinačne operativne planove budžeta, odnosno izmjene i dopune pojedinačnih operativnih planova budžeta i dostave Ministarstvu finansija, te da iste poštuju, prilikom stvaranja obaveza za period 01.01. do 31.11.2012. godine, u skladu sa navedenom Odlukom.

Zaključak stupa na snagu danom donošenja, a primjenjuje se za mjesec novembar 2012. godine.

14. tačka dnevnog reda

U diskusiji su učestvovali Premijer Zeničko-dobojskog kantona i Ministar Ministarstva za privredu.

Vlada je jednoglasno donijela Zaključak kojim se odobravaju se MZ Bistrica, općina Žepče, novčana sredstva u iznosu od 14.000,00 KM (slovima: četrnaest hiljada konvertibilnih maraka) za finansiranje rekonstrukcije vodovoda „Rijeka“ u naselju Bistrica, općina Žepče, a sa ciljem pružanja potpore povratku na područje općine Žepče.

15. tačka dnevnog reda

Vlada je jednoglasno donijela Zaključak kojim se odobravaju se MZ Duboštica, općina Vareš, sredstva u iznosu od 10.000,00 KM (slovima: deset hiljada konvertibilnih maraka) na ime pomoći za rekonstrukciju mosta u povratničkom naselju Duboštica, općina Vareš, a sa ciljem pružanja potpore povratku na područje općine Vareš.

16. tačka dnevnog reda

Vlada je jednoglasno donijela Zaključak kojim se odobravaju Župi sv. Josipa Zavidovići, sredstva u iznosu od 10.000,00 KM (slovima: deset hiljada konvertibilnih maraka) na ime pomoći u sanaciji župne crkve sv. Josipa u Zavidovićima, a sa ciljem potpore povratku na područje općine Zavidovići.

17. tačka dnevnog reda

Vlada je jednoglasno donijela Zaključak kojim se odobravaju Općini Maglaj, sredstva u iznosu od 1.748,10 KM (slovima: hiljadu sedam stotina četdeset osam konvertibilnih maraka i 10/100) na ime plaćanja troškova priključka na elektrodistributivnu mrežu obnovljenog stambenog objekta povratnika Panić Nevenke i sina Panić Sretena, u naselje Bakotići, općina Maglaj.

18. tačka dnevnog reda

Vlada je jednoglasno donijela Odluku kojom se odobrava uvećanje sredstava u Budžetu Zeničko-dobojskog kantona za 2012. godinu („Službene novine Zeničko-dobojskog kantona“, broj: 5/12) za budžetskog korisnika iz nadležnosti Ministarstva za obrazovanje, nauku, kulturu i sport- Osnovna škola „Mula Mustafa Bašeskija“ Kakanj.

Uvećanje sredstava u Budžetu Zeničko-dobojskog kantona za 2012. godinu, vrši se na slijedeći način:

a) na razdjelu 22, budžetska organizacija 02, potrošačka jedinica 0009 – Osnovna škola „Mula Mustafa Bašeskija“ Kakanj, sredstva na poziciji 613400 – Nabavka materijala, Plan izdaci iz donacija 2012. godina, uvećavaju se za 4.500,00 KM,

- b) na razdjelu 22, budžetska organizacija 02, potrošačka jedinica 0009 – Osnovna škola „Mula Mustafa Bašeskija“ Kakanj, sredstva na poziciji 613900 (MBC 902) – Ostale ugovorene usluge, Plan izdaci iz donacija 2012. godina, uvećavaju se za 500,00 KM,
- c) u Budžetu Zeničko-dobojskog kantona za 2012. godinu u dijelu A. PRIHODI u koloni Plan 2012. godina, sredstva na poziciji 722751 – Priljene namjenske donacije neplanirane u budžetu, uvećavaju se za 5.000,00 KM.

19. tačka dnevnog reda

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice i Ministar za obrazovanje, nauku, kulturu i sport.

Vlada je jednoglasno donijela Zaključak kojim se odobravaju sredstva u iznosu od 500,00 KM (slovima: petstotina konvertibilnih maraka) za odbranu magistarskog rada Emini Dajić.

20. tačka dnevnog reda

Vlada je jednoglasno donijela Zaključak kojim se odobravaju sredstva u iznosu od 500,00 KM (slovima: petstotina konvertibilnih maraka) za odbranu magistarskog rada Hajrudinu Mahmiću.

21. tačka dnevnog reda

Vlada je jednoglasno donijela Zaključak kojim se odobravaju sredstva u iznosu od 500,00 KM (slovima: petstotina konvertibilnih maraka) za odbranu magistarskog rada Mirzi Smailbegović.

22. tačka dnevnog reda

Vlada je jednoglasno donijela Zaključak kojim se odobravaju sredstva u iznosu od 500,00 KM (slovima: petstotina konvertibilnih maraka) za odbranu magistarskog rada Adnanu Mujezinović.

23. tačka dnevnog reda

Vlada je jednoglasno donijela Zaključak kojim se odobravaju sredstva u iznosu od 500,00 KM (slovima: petstotina konvertibilnih maraka) za odbranu magistarskog rada Anidi Merdan.

24. tačka dnevnog reda

Obrazloženje za ovu tačku dnevnog reda dao je Ministar Ministarstva za boračka pitanja.

Vlada je jednoglasno donijela Zaključak kojim se odobravaju sredstva Savezu slijepih boraca Zeničko-dobojskog kantona u iznosu do 15.000,00 KM (slovima: petnaest hiljada konvertibilnih maraka) u svrhu finansiranja realizacije projekta nabavke Braillevih pomagala za slijepe i slabovidne ratne vojne invalide 100 % I grupe.

25. tačka dnevnog reda

Obrazloženje za ovu tačku dnevnog reda dao je Ministar Ministarstva za boračka pitanja.

Vlada je jednoglasno donijela Zaključak kojim se odobravaju sredstva Nurfeti (Ramiza) Dervišić iz Zenice, udovici poginulog branioca Armije BiH Nesiba Dervišića, u iznosu od 25.000,00 KM (slovima: dvadeset pet hiljada konvertibilnih maraka), radi kupovine stana i trajnog stambenog zbrinjavanja.

26. tačka dnevnog reda

Vlada je jednoglasno donijela Zaključak kojim se odobravaju sredstva Đulagi (Avde) Mahmutoviću, 100% ratnom vojnom invalidu II grupe iz Breze, u iznosu od 10.000,00 KM (slovima: desethiljada konvertibilnih maraka), za potrebe trajnog stambenog zbrinjavanja, odnosno prilagođavanja stambenog objekta posebnim potrebama ratnog vojnog invalida.

27. tačka dnevnog reda

Vlada je jednoglasno donijela Rješenje kojim se formira Radna grupa za izradu Akcionih planova Zeničko-dobojskog kantona kojima će strateški dokumenti Strategija razvoja Federacije Bosne i Hercegovine za period 2010-2020, odnosno Strategija razvoja Bosne i Hercegovine i Strategija socijalnog uključivanja Bosne i Hercegovine biti podržani na kantonalnom i lokalnom nivou.

U cilju implementacije zadataka iz tačke I. formira se Radna grupa u sastavu:

1. Rasema Hasanić, predsjednik (Biznis servis centar), koordinator za strateške ciljeve „Makrostabilnost“ i „Održivi razvoj“
2. Valida Imamović, koordinator za strateške ciljeve „Konkurentnost“ i „Zapošljavanje“, (Biznis servis centar)
3. Hidajet Keleštura, koordinator za strateške ciljeve „EU integracije“ i „Socijalno uključivanje“, (Biznis servis centar)
4. Đenana Čolaković, član (Biznis servis centar)
5. Branka Hadžipašić, član (Ministarstvo za privredu)
6. Edina Islamović, član (Ministarstvo za prostorno uređenje, promet i komunikacije i zaštitu okoline)
7. Amira Jusufbašić, član (Ministarstvo za poljoprivredu, šumarstvo i vodoprivredu)
8. Zuhdija Kovač, član (Ministarstvo za poljoprivredu, šumarstvo i vodoprivredu)
9. Nada Delibašić, član (Ministarstvo finansija)
10. Ružica Jukić-Ezgeta, član (Ministarstvo za pravosuđe i upravu)
11. Jasenka Jukić, član (Ministarstvo za rad, socijalnu politiku i izbjeglice)
12. Ankica Radić, član (Ministarstvo zdravstva)
13. Maid Pračić, član (Ministarstvo za obrazovanje, nauku, kulturu i sport)
14. Rasim Bajrić, član (Ministarstvo za obrazovanje, nauku, kulturu i sport)
15. Nebojša Vasiljević, član (Ministarstvo za obrazovanje, nauku, kulturu i sport)
16. Adela Beriša-Fazlagić, član (Kantonalni zavod za javno zdravstvo)
17. Suljo Čolaković, član (JU Služba za zapošljavanje ZDK)
18. Harun Kahvedžić, član (JU Služba za zapošljavanje ZDK)
19. Danijela Hamzić, član (JU Služba za zapošljavanje ZDK)
20. Diana Babić, član (Privredna komora Zeničko-dobojskog kantona)
21. Aida Mujić, član (Ministarstvo unutrašnjih poslova)
22. Šeherzada Nefić, član (Općina Breza)
23. Ismar Alagić, član (Općina Tešanj)
24. Fadil Merdić, član (Općina Kakanj)
25. Džeraldina Miličević, član (Općina Zavidovići)
26. Ferhat Bradarić, član (Općina Maglaj)
27. Umihana Krličević Omerović, član (Općina Doboju Jug)
28. Muhsin Ibrahimagić, član (Općina Zenica)
29. Branka Janko, član (Općina Žepče).

Zadatak Radne grupe je da u koordinaciji sa nadležnim ministarstvima i upravama izrade Akcione planove Zeničko-dobojskog kantona za realizaciju šest strateških ciljeva iz Strategije

razvoja Federacije Bosne i Hercegovine za period 2010-2020: makro stabilnost, održivi razvoj, konkurentnost, zapošljavanje, EU integracije i socijalno uključivanje.

Radna grupa će informacije i izvještaje o provedenim aktivnostima na harmonizaciji procesa strateškog planiranja odnosno usklađivanja svih aktivnosti sa višim nivoima vlasti na kantonalnom nivou dostavljati Biznis servis centru kao implementacionoj jedinici za monitoring, evaluaciju i izvještavanje o urađenim aktivnostima na sinhronizaciji procesa strateškog planiranja, koji je dužan objedinjeni godišnji izvještaj dostaviti Vladi Kantona.

Radnom grupom će rukovoditi predsjednik i koordinatori za navedene strateške ciljeve u tački II ovog Rješenja a članovi Radne grupe će provoditi aktivnosti iz nadležnosti ministarstava i uprava iz kojih dolaze, te koordinirati aktivnosti sa nadležnim službama na lokalnom nivou.

Stupanjem na snagu ovoga Rješenja prestaje da važi Rješenje o formiranju Radnih grupa za izradu Akcionih planova za strateško planiranje za Zeničko-dobojski kanton, te vršenje monitoringa, evaluacije i izvještavanja o urađenim aktivnostima na harmonizaciji procesa strateškog planiranja („Službene novine Zeničko-dobojskog kantona“, broj: 12/10, 11/11 i 1/12)

Rješenje stupa na snagu slijedećeg dana od dana objavljivanja u „Službenim novinama Zeničko-dobojskog kantona“.

28. tačka dnevnog reda

Obrazloženje za ovu tačku dnevnog reda dao je Pomoćnik Sekretara Vlade.

Vlada je jednoglasno donijela Zaključak kojim se usvaja Ocjena o primjeni sistema upravljanja kvalitetom prema zahtjevima standarda EN ISO 9001:2008 u organima uprave i službi Zeničko-dobojskog kantona, koja čini sastavni dio ovog zaključka.

Za realizaciju mjera definisanih Ocjenom iz tačke I. ovog zaključka zadužuju se rukovodioci organa uprave i službi, svako u okviru svoje nadležnosti.

Zaključak stupa na snagu danom donošenja.

29. tačka dnevnog reda

Obrazloženje za ovu tačku dnevnog reda dao je Pomoćnik Sekretara Vlade.

Vlada je jednoglasno donijela Zaključak kojim se usvaja Izvještaj o realizaciji akata iz Programa rada Vlade Zeničko-dobojskog kantona i ostalih akata koje donosi Vlada za period 01.01.2012. - 30.09.2012. godine, koji čini sastavni dio ovog zaključka.

Zaključak stupa na snagu danom donošenja.

32. tačka dnevnog reda

Vlada je jednoglasno donijela Odluku kojom se odobrava uvećanje sredstava u Budžetu Zeničko-dobojskog kantona za 2012. godinu («Službene novine Zeničko-dobojskog kantona», broj 5/12) za Kantonalnu direkciju za ceste u sastavu Ministarstva za prostorno uređenje, promet i komunikacije i zaštitu okoline.

Uvećanje sredstava u Budžetu Zeničko-dobojskog kantona za 2012. godinu, vrši se na slijedeći način:

a) na razdjelu 19, budžetska organizacija 03, potrošačka jedinica 0001 – Kantonalna direkcija za ceste – sredstva na poziciji 821600 – Rekonstrukcija i investiciono održavanje - Izdaci iz donacija 2012. godina uvećavaju se za 398.951,82 KM,

b) u Budžetu Zeničko-dobojskog kantona za 2012. godinu u dijelu A. PRIHODI u koloni Plan 2012. godina, sredstva na poziciji 722751 – Primljene namjenske donacije neplanirane u budžetu, uvećavaju se za 398.951,82 KM.

34. tačka dnevnog reda

Vlada je jednoglasno donijela Rješenje kojim se na kraći period od dva mjeseca imenuje Školski odbor Osnovne škole “Novi Šeher”, Novi Šeher u općini Maglaj, u sastavu:

1. Pervan Slavica, predsjednik-predstavnik osnivača,
2. Bašić Aida, član-predstavnik nastavnika, stručnih saradnika i osoblja škole,
3. Zekić Dragana, član-predstavnik nastavnika, stručnih saradnika i osoblja škole,
4. Grbić Eldina, član-predstavnik roditelja, odnosno staratelja,
5. Jusufbašić Munib, član-predstavnik lokalne zajednice.

Stavlja se van snage prethodno Rješenje Vlade Zeničko-dobojskog kantona o konačnom imenovanju predsjednika i članova Školskog odbora Osnovne škole “Novi Šeher”, Novi Šeher u općini Maglaj, broj: 02-38-18690/12. od 27.08.2012. godine, kao i Rješenje o imenovanju na kraći period predsjednika i članova Školskog odbora Osnovne škole “Novi Šeher”, Novi Šeher u općini Maglaj, broj: 02-38-22415/12. od 17.10.2012. godine.

Rješenje stupa na snagu danom donošenja, a objavit će se u “Službenim novinama Zeničko-dobojskog kantona” i “Službenim novinama Federacije Bosne i Hercegovine”.

30. tačka dnevnog reda

Obrazloženje za ovu tačku dnevnog reda dali su Ministar Ministarstva finansija i pomoćnik Nada Delibašić.

U diskusiji su učestvovali: Premijer Zeničko-dobojskog kantona, Ministar Ministarstva finansija, Ministar Ministarstva za poljoprivredu, šumarstvo i vodoprivredu, Ministar Ministarstva za privredu, Ministrica Ministarstva zdravstva, Ministar za obrazovanje, nauku, kulturu i sport, Ministar Ministarstva za rad, socijalnu politiku i izbjeglice, Ministrica Ministarstva za pravosuđe i upravu, pomoćnik ministra Nada Delibašić i Sekretar Sekretarijata za zakonodavstvo.

Zbog obaveza članova Vlade sjednica je prekinuta u 15⁵⁵ sati.

Nastavak sjednice održan je dana 30.10.2012.godine u sali u kabinetu Premijera, sa početkom u 8⁴⁵ sati.

Nastavljena je diskusija po 30. tački dnevnog reda, u kojoj su učestvovali: Premijer Zeničko-dobojskog kantona, Ministar Ministarstva za boračka pitanja, Ministar Ministarstva finansija, Ministar Ministarstva unutrašnjih poslova, pomoćnik ministra Nada Delibašić, Pomoćnik Sekretara Vlade i Sekretar Sekretarijata za zakonodavstvo.

Vlada je jednoglasno donijela Zaključak kojim se izjašnjavanje po tački dnevnog reda: Nacrt Budžeta Zeničko-dobojskog kantona za 2013. godinu, sa Prijedlogom Zaključka o utvrđivanju, odlaže za narednu sjednicu Vlade Zeničko-dobojskog kantona.

Zaključak stupa na snagu danom donošenja.

31. tačka dnevnog reda

U diskusiji su učestvovali: Premijer Zeničko-dobojskog kantona, Ministar Ministarstva unutrašnjih poslova, pomoćnik ministra Nada Delibašić i Sekretar Sekretarijata za zakonodavstvo.

Vlada je jednoglasno donijela Zaključak kojim se izjašnjavanje po tački dnevnog reda: Nacrt Zakona o izvršavanju Budžeta Zeničko-dobojskog kantona za 2013. godinu, sa Prijedlogom Zaključka o utvrđivanju, odlaže za narednu sjednicu Vlade Zeničko-dobojskog kantona.

Zaključak stupa na snagu danom donošenja.

Sjednica je završena u 9²⁵ sati.

SEKRETAR VLADE

Berjana Ačkar

ZAPISNIČAR

Azra Smailbegović-Đ.

PREMIJER

mr.sci. Fikret Pljevljak, dipl.ing.